



Cuntschet da protecziun Sosa-Suot Via Zernez - surdatta da lavurs d'indschegner

In connex culla refacziun dal cuntschet da protecziun da l'En in Sosa-Suot Via, ha la direcziun operativa surdat las lavurs d'indschegner a la firma WNT GmbH, San Murezzan.

Zernez, via Laschadura - furt alp e lavurs da finischun - credit suplementar

Il proget chantunal da refacziun da vias forestalas SIE Laschadura 2 va in sia fasa finala e vain fini giò quist utuon. L'aul avant l'alp da Laschadura chaschuna adüna inavant problems e dons tras ruinas ed auazuns. Cun quai cha tuot las maschinas necessarias sun fingià avantman ha la suprastanza cumünala deliberà ün credit in l'import da 22'000.00 chf per finir giò lavurs davant l'alp Laschadura. I dess gnir realisada üna furt cun crappa in beton pro l'aul suot l'alp e refatta la part fich stipa da la via suot la furt cun plüssas chünettas.

Susch, Surpunt - rimplazzamaint pumpa d'aua suos-cha

Illa fracziun da Susch es la pumpa d'aua suos-cha da Surpunt in ün fich nosch stadi. Our da quist scopo sto tala gnir rimplazzada cumplettaing. L'incumbenza es gnüda surdatta a la ditta Häny AG, Jona.

Chamonna Il Cuvel, Ova Spin - fittanza chatscha 2024

Davo avoir publichà ils 4 lügl 2024 la fittanza da la chamonna Il Cuvel sü Ova Spin pel temp d'ürant la chatscha 2024 ha la suprastanza cumünala pudü fittar quella quist on i'l mais settember ad Arno Gottschalk da Zernez. I d'eiran entradas in tuot duos annunzchas.

Il Cumün da Zernez ha acconsenti ils seguaints permiss da fabrica:

- Parcella no. 0145, Hartmann Andrea Lorenz, Zernez - restructuraziun chasa no. 134
- Parcella no. 0148, STWEG Chasa Runatsch 131, Zernez - sanaziun abitaziun plan sura e nouva s-chala d'access in üert
- Parcella no. 0209, Angelini Gabriela, Zernez - indriz sanitari (container) e rimplazzamaint portas da garascha
- Parcella no. 0426, MMDP AG e Hotel da la Posta Brail GmbH, Brail - demoliziun chasa no. 209 e nouva chasa da plüssas famiglias
- Parcella no. 0972, Fasani Marco Richard e Claudia, Zernez - tettin entrada abitaziun
- Parcella no. 1219, Streit Christoph, Zernez - indriz fotovoltaic

OESS SA - occupaziun cussagl administrativ 2024-2027

A la radunanza generala da l'Ouvra Electrica Susasca Susch SA dals 14 gën 2024 es gnü elet il cussagl administrativ per la prosma perioda d'uffizi 2024–2027. Ils acziunaris han elet ad Irma Tognini, Duosch Städler, Stefan Bühler, Giovanni Mathis sco commembers ed a Markus Hintermann sco president dal cussagl administrativ. Emil Müller e Seraina Bickel sortan da tal.

Persunal - piazza da giarsunadi

Il Cumün da Zernez ha impiegà a Sergio Schöpf da Zernez illa piazza sco nouv giarsun da commerzi EFZ. Sergio Schöpf cumanzarà seis giarsunadi ill'administraziun cumünala principi avuost 2025.